



釣蚬仔

舊曆六月，割禾機當當在田項無閒，白鶴仔、阿啾箭跔在屎背尾，搶食禾蝦仔、挨襲披波、草蜢仔這兜，著驚、緊張、跳上跌落个蟲仔。割忒个禾稈味，跔等風，一陣一陣吹過來，空氣裡肚清香、甘甜个味緒，直直衝啊入吾个腦門，黏邊打開童年个田洋地圖，生活个畫面一下就走啊出來！

還記得正上國小一年生，阿婆教佢去田項釣蚬仔。阿婆摺佢取一支直直个竹筱仔，同杈槓仔拗忒，再綑上一條白色个肥料線，就像一付釣蚬仔个釣槓；麵粉袋仔剪著來，同鉛線仔箍一隻像杓嫫恁大个圈，跔等鉛線圈，摺袋仔攥上去，過用机仔梗鬥一支好勢搭个柄，就像一隻好用个袋撈仔。有釣槓、袋撈仔，就做得釣蚬仔哩！

「毋過愛用麼个來錫蚬仔食釣呢？」佢問阿婆。阿婆講，你行到田脣路去就知。佢頭那緊掘，當疑狐，還係定定仔行前去。田脣路項有車前草、狗貼耳、野蕒仔這兜，一踏啊入去，蚬仔就颯啊出來，跳入圳溝肚！「就係該，就係該蚬仔，捉著來！」阿婆看啊著就講。佢無想著，原來釣蚬仔就係愛用蚬仔釣！遽遽就照阿婆講个，行落圳溝，緊看該正跳入來个蚬仔，瀉到哪兜仔？

鮮鮮个圳溝項，麼个就做得看著。幼幼个絲仔像頭那毛，跔等水流洋洋漾漾，田螺背等重重个殼，貼在石牯面，大肚魚擱等大肚屎，在水竇肚汨上汨下。就在泥面項，佢看著蚬仔个兩支後腳出出，前腳、頭那同身體嘎囡到泥竇肚，無停無動！這種現象，就像鴛鴦，乜像補鑊仔堵著愛逃命个時節，緊張到鑽沙鑽泥，毋知愛仰結煞正好！

捉著蚬仔，阿婆喊佢摺蚬仔拿到紅毛泥路項，手擎高高，盡命牯將蚬仔擲到地泥面。佢看著蚬仔四支腳湊湊掣，緊顫緊顫，顫到包尾就恬下來。接等阿婆同蚬仔个腳髀捏斷，摺腳髀綑到肥料線項。佢擎等釣槓同袋撈仔行到田坎面，釣線拂到田項，竹筱仔上上下下緊揸緊錫，等等蚬仔來食釣；緊錫緊揸，一隻一隻个蚬仔緊入袋。無講耗漿，釣無半點鐘，歸隻袋撈仔就裝到淦淦个蚬仔。

阿婆開容笑面看等吾蚬仔，唸唸唸唸緊講：「這滿，鴨仔好彩仔哪！這滿，鴨仔好彩仔哪！」

作者：邱一帆

☆詞彙學習☆

【屎背尾】sii boi mi'：後面、背後。

【禾蝦仔】vo' ha' e'：螽斯。

【生活】sen' fad：生動鮮活。

【狗貼耳】gieu' diab' ngi'：魚腥草。

【野蕒仔】ia' mag' e'：兔兒菜。

【哪兜仔】nai deu' e'：哪裡。

【絲仔】se' e'：髮藻。水草的一種。

【洋洋漾漾】iong' iong' iong iong：形容隨水流動的樣貌。

【補鑊仔】bu' vog' e'：白腹秧雞。

【湊湊掣】bid bid cad'：不停抽動、抖動。

【唸唸唸唸】ngiam' ngiam' ngiam ngiam：念念有詞。